



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Capitularia Regvm Francorvm**

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

XXXVI. Edictum Pistense.

**urn:nbn:de:hbz:466:1-22974**

ADVENTIATI O KAROLI.

Sicut ego verbis & scriptis per fratrem meum & per Episcopos nepoti meo mandavi, & illi de sua parte mihi renuntiave-

runt, sic illi amicus esse & illum salvare volo sicut avunculus per rectum nepotem salvare debet, si ille, sicut nepos per rectum avunculum salvare debet, me & meos salvaverit.

TITVLVS XXXVI.

Edictum Pistense.

ADVENTIATI DOMNI  
KAROLI APVD PISTAS.

C A P . I.

**M**ultas gratias vobis agimus de vestra fidelitate & de vestra bona voluntate quam semper erga nos in omni adjutorio & obsequio demonstratis, sicut vestri antecessores erga nostros antecessores demonstraverunt. Et quia pacem, quam jam præterito tertio anno hic communiter confirmavimus & ad cognitari fecimus, secundum quod causa in quibusdam locis conjacuit, et si non omnes, sicut desideravimus, tamen ex majori parte observatis, & quia pleniter & cum pace ad hoc nostrum placitum convenientissi.

I I.

Et quia bonam voluntatem vestram in ipsis & in aliis videmus & experti sumus, fiducialius vos commonerimus ut & de ipsa pace observanda & de ipsis operibus, que contra Dei & sanctæ ejus Ecclesiæ & nostros communes inimicos Norrmannos incipimus, sine defectu & lafatione viriliter laboreti, scientes qualiter nobis placuerit si ipsis firmates hic factas habuimus, quando in tali angustia, sicut experti ipsis, ad Meldis contra eos communiter laboravimus. Unde nos Deus, sicut suæ misericordie placuit, manifesto sua clementia iudicio adjuvavit.

I I I.

Et quoniam illa quæ jam tertio anno hic umà cum consensu & confilio fidelium nostrorum constituumus, & vobis ad cognitari fecimus, libenter audisse & suscepisse comperimus, quæ nunc etiam ad nostram communem salutem & pacem atque honorem hic fidelium nostrorum consensu atque confilio constituumus, vobis per scriptum nota facere volumus, ut illa ple-

nius audire & ad illud scriptum recurrendo, quod in singulis comitatibus dari & relegi atque haberi præcipimus, firmius retinere & certius observare possitis. Quæ etiam ab Episcopis vel eorum ministris per singulos comitatus de eorum parochiis aperto sermone, ut ab omnibus possint intellegi, tradi volumus.

KAROLVS GRATIA DEI REX.

Notum esse volumus omnibus Dei & nostris fidelibus quoniam hac quæ sequuntur capitula nunc in isto placito nostro anno ab incarnatione Domini nostri Iesu Christi dccccxv. anno videlicet regni nostri ipso proprio xxv. Indictione xi. vii. Kalend. Iulias, in hoc loco qui dicitur Pistis, unâ cum fidelium nostrorum consensu atque consilio constituumus, & cunctis fine illa refragatione per regnum nostrum observanda mandamus.

C A P . I.

Primo consideravimus de honore Ecclesiæ & sacerdotum ac servorum Dei, & immunitate rerum ecclesiasticarum, ut nullus fibi de ipsis rebus contra auctoritatem præsumat; & Comites Episcopis & ministris Ecclesiæ in eorum ministeriis adjutores in omnibus fiant, sicut in capitulari prædecessorum ac progenitorum nostrorum continetur, in secundo libro capitulo xxii. Et quicunque Comitum vel ministrorum reipublicæ hac quæ mandamus observare neglexerit, si prima & secunda vice de his admonitus non se correxit, volumus ut negligentia Comitis ad nostram notitiam per Episcopos & per Missos nostros deferatur, & aliorum ne-

glegentia per Comites ad nostram notitiam perferatur, ut nostra auctoritate quod in capitulari prædecessorum nostrorum continetur subire cogantur.

## I I.

Post hæc de orphanorum & viduarum caufis, & de regalibus iustitiis, & summopere de raptoribus puellarum & viduarum & sanguinomialium, & de his qui Presbyteros flagellare profumunt, & qui eos de Ecclesiis sine Episcoporum consensu eice-re vel recipere aut censem de mano vel ex his quæ Dominus & genitor noster in suis capitularibus Ecclesiis in immunitate con-cessit exigere non timent, & qui censa de rebus ecclesiasticis ad Ecclesiis persolvere detredant, ut firmiter à Missis & Comiti-bus nostris inquirantur, & acriter distri-gantur, & plena iustitia inde fiat, secun-dum quod in capitularibus avi & patris nostri statutum habetur; & ipsi contemp-tores legum, divine scilicet & humanarum, ad nostram præsentiam legaliter perdu-cantur; ut inde consilio fidelium Dei ac nostrorum commendemus quid de talibus hominibus sit faciendum, qui nec Deum timent, nec contra sanctos canones face-re nec legem & praeceptum regium infrin-gere pertinebunt. salva censura ecclesia-stica & episcopalis penitentiae vindicta.

## I I I.

Vt lex & iustitia uniuicue in suo ordine omnibus conservetur, & pacem quam pro-ximè teste Deo propriis manibus communi-ni consensu confirmavimus, quando hic placitum nostrum habuimus, sic omnes & infra patriam, & quando ad placitum unusquisque venerit, & quando redierit, & quando necessitas nobis evenierit ut ho-stem nostrum admuntemus, usque consti-tuta loca secundum consuetudinem & capitulo prædecessorum nostrorum observa-re procuret. Et qui contra hanc confir-mationem per contemptum venerit, aut quantocius, quod contra hanc confirmationem excessum fuerit, emendare negle-xerit, ab Episcopis & Missis ac Comiti-bus nostris hoc nobis nuntiari mandamus, quatenus tantum Dei & nostrum ac totius Christianitatis contemptum, sicut secun-dum leges divinas & humanas inveneri-mus, emendare curemus, ne ipso nostro judicio à Deo, quod absit, condemnati-simus. Et videant Episcopi & Missi ac Comites nostri ne si contra nostram communem confirmationem aliquis per contemptum fecerit, & emendare noluerit, per

alium quām per illos qui ad hoc constituti sunt hunc contemptum sciamus: quoniam si per alium quām per illos hoc, sicut non convenit, audierimus, sicut nec ipsi im-munes à peccato erunt, sic nec ab ultione immunes existent.

## I V.

Volumus & expreßè mandamus Co-mitibus nostris ut sicut in xxiv. capitulo secundi libri Capitulorum decessorum no-strorum continetur, vassalli nostri nobis & nostra conjugi famulantes condignum apud omnes honorem habeant, sicut à genitore nostro & à nobis særè admoni-tum est; & sicut ipsi volunt se à nobis ho-noratos tenere, ita & nobis famulantibus, sicut consuetudo fuit tempore antecesso-rum nostrorum, debitum honorem exhibe-ant.

## V.

Volumus & expreßè Comitibus nostris mandamus ut villa nostra indominicata, sed & villa de monasteriis quæ & conjugi nostraræ & filiis ac filiabus nostris concep-ta atque donata habemus, quæque sub im-munitate considunt, cum salvamento & debita reverentia in comitatibus illorum consitant. Sed & quæ homines nostri ac illorum illarumque, qui sine ulla dif-ference & nostri sunt, cum salvamento & debito honore habere possint. Et non igno-remus neque obliviscantur Comites ac Missi nostri nos scire quod dominorum Dominus de se dicit: Honorificante me ho-<sup>1. Reg. 2.</sup> norificabo; & qui contemnunt me, inboroti-erant.

## V I.

Et quoniam humana fragilitas procli-vior est ad contrajustitiam faciendam quām ad iustitiam exequandam, & diabolus semper certat ut fragilitati humanae oculos mentis claudat, ne castigationem Dei videat, & semetipam emenderet, sicut ad nos perversum est, quidam leves ho-mines de ipsis comitatibus qui devastati sunt à Nortmannis, in quibus res & man-cipia & domos habuerunt, quia nunc ibi mancipia & domos non habent, quasi li-center malum faciunt: quia, sicut dicunt, non habent unde ad iustitiam faciendam adducantur, & quia non habent domos ad quas secundum legem maniri & banniri possint, dicunt quod de mannitio vel bannitione legibus comprobari & legali-ter judicari non possunt. Contra quorum malas infidias consenfu & consilio fidelium nostrorum statuimus ut Comes Missum suum

siuum ad illam terram in qua domos quis habuit mittat, & eum bannire & manrire jubeat. Et quoniam lex consensu populi fit & constitutione Regis, Franci jurare debent quia secundum regium mandatum nostrum ad iustitiam reddendam vel faciendam legibus bannitus vel manitus fuit. & sic ipse res illi judicio Scabiniorum in bannum mittantur, & si necesse fuerit, ipse in forbannum mittatur qui ad iustitiam reddendam venire noluerit. Et mandet Comes, qui hoc executus fuit, alteri Comiti, in cuius comitatu res & mancipia habet, quid inde factum habeat; & ex nostro verbo illi manderet ut per illa que in suo comitatu habet illum distingat, quantum ad iustitiam reddendam vel faciendam in suum comitatum redeat.

VII.

Audivimus etiam quia hujusmodi leves homines in aliis comitatibus deprædationes & injusticias faciant, & ad illum comitatum in quo commandant, & in quo illas malitias non faciunt, factis malitiis in aliis comitatibus reveniunt. Vnde mandamus & Comitibus nostris exprefsem præcipimus ut illi Comites in quorum comitatibus tales homines injusticias faciunt, illis Comitibus hoc mandent in quorum comitatibus refugium habent, & una mente, unoque consensu, & uno certamine ad tales homines comprehendendos se erigant, & decerent ut Ecclesiæ Dei & ministri ejus & servi Dei ac populus pacem & quietem habere possit.

VIII.

Vt denarij ex omnibus monetis meri a bene pensantes, sicut in capitulari prædecessorum ac progenitorum nostrorum Regum libro quarto xxxi i. capitulo continetur, in omni regno nostro non reiciantur usque ad Missam sancti Martini. Et in omnibus civitatibus & vicis ac villis, tam nostris nondominicatis, quam & in his que de immunitate sunt, vel de comitatibus, atque hominum nostrorum sive cuiuscunq; sunt per omne regnum nostrum, a judicibus nostris, & ab eis quorum villa sunt, una cum ministris reipublicæ, secundum quantitatem locorum & villarum, tanti ac tales de ipsis incolis & inibi manentibus constituantur qui inde providentiam habent ne boni denarij reiciantur, & non nisi meri & bene pensantes accipientur.

IX.

Vt illi qui ex hac causa providentiam habebunt, sacramento jurent quod sicut

Tom. II.

eis ex hac causa injunctum fuerit, quantum scierint & potuerint, debeant fideleriter observare, & illum hominem quem scierint merum & bene pensantem denarium reicere non debeant celare, sed ministris reipublicæ eum debeant notum facere. De quo sacramento quicunque probatus fuerit perjuratus, & secundum legem mundanam ut perjuratus puniatur, sicut in capitulari decessorum ac progenitorum nostrorum continetur in fine capituli decimi ex tertio libro, & secundum legem ecclesiasticam publicæ penitentiae subigitur.

X.

Vt ab ipsa Missâ sancti Martini per omnem regnum nostrum non nisi istius nostræ novæ monete meri & bene pensantes denarij accipientur. Et quicunque ab illa die alium denarium negotiandi causa protulerit, a Comite & a ministris ejus auferatur ab eo, sicut in libro capitulorum secundo, decimo octavo capitulo continetur.

XI.

Vt in denariis novæ nostræ monetæ ex una parte nomen nostrum habeatur in gyro, & in medio nostri nominis monogramma, ex altera vero parte nomen civitatis, & in medio crux habeatur.

XII.

Sequentes consuetudinem prædecessorum nostrorum, sicut in illorum capitulis invenitur, constituimus ut in nullo loco alio in omni regno nostro moneta fiat nisi in palatio nostro & in Quentovicco ac Rotomago, (que moneta ad Quentovicum ex antiqua consuetudine pertinet) & in Remis, & in Senonis, & in Parisis, & in Aurelianis, & in Cavillono, & in Metullo, & in Narbona.

XIII.

Vt hi in quorum potestate deinceps moneta permanferit, omni gratia & cupiditate seu lucro postposito fideles monetarios elegant, sicut Dei & nostram gratiam volunt habere. Et ipsi monetarij jurent quod ipsum ministerium, quantum scierint & potuerint, fideleriter faciant. Et mixtum denarium & minus quam debet pensantem non monetent nec monetarij consentiant. Et sine ulla fraude, & absque malo ingenio, contra eos quorum argentum ad purgandum acceperint, ipsum argentum exmerent, & fine fraude tam in pena quam in purgatione denarios concambient. Contra quod sacramentum si quilibet fecisse reputatus fuerit, judicio Dei se examinet:

M



& sicut contra hoc fecisse comprobatus fuerit, quia non majorem fraudem facit si mixtum denarium & minus quam debeat pensantem monetaverit quam si in purgatione & concambio argenti per malum ingenium fraudem de argento reipublica & de argento rerum ecclesiasticarum & de facultate pauperum fecerit, sicut constitutum est de falso monetaris in libro IV. Capitulorum XXXII. capitulo, manum perdat, & ut sacrilegus ac pauperum spoliator publice peccantem judicio episcopali subiciatur. In illis autem regionibus in quibus secundum legem Romanam judicia terminantur, juxta ipsam legem culpabilis judicetur.

## XIV.

Vt in proximis Kalendis Iulij, per hanc duodecimam inductionem, habeat in Silvaneis civitate uniusquisque Comes, in eius comitatu monetam esse iussimus, Vi cecomitem suum cum duobus aliis hominibus qui in ejus comitatu res & mancipia vel beneficia habeant, & suum monetarium cum ipsis habeat: quatenus ibi accipiunt per manus suas de camera nostra, ad opus uniusquisque monetarij, de mero argento cum pensa libras quinque, ut habeat unde initium monetandi possit incipere; & pensam argenti quam ex camera nostra accepit, per manus corum per quas illud accepit, sabbato ante initium quadragesima in monetatis denariis in prefato loco, & cum ipsa pensa cum qua argentum accepit, uniusquisque monetarius in nostra camera reddat.

## XV.

Vt nullus more solito pro ullo lucro vel avaritia hoc leviter accipiat; sed omnes ab ipsis Kalendis Iulij argentum suum in constitutis monetis concambiarisi faciant, scientes quia post Missam sancti Martini nulli alii denarii in regno nostro nisi ictus novae nostra monete recipiuntur, & ab ipsis Kalendis Iulij ipsis novi denarii ab omnibus accipiuntur. Et quicunque liber homo ab ipso die denarium merum novae nostrae monete in regno nostro rejecerit, sicut in prefato libro & capitulo regio continetur, bannum nostrum, id est, solidos sexaginta, componat. Si vero servi ecclesiastici aut Comitum aut vasallorum nostrorum hoc facere presumperint, quia in prefato Capitulari continetur ut sexaginta ictibus vapulent, & hac occasione indiscreti homines modum in disciplina faciebant, constituimus cum fidelium nostrorum con-

sensu atque consilio ut quoruncunque coloni & servi pro hoc convicti fuerint, non cum grossa fuste, sed nudi cum virgis vapulent. & in civitatibus atque vicis seu vilis Episcopi per suos ministros vel Presbyteros providentiam una cum reipublica ministris accipiant ne & in hac causa modulus discipline transgrediatur, sed taliter fiat qualiter & homines castigentur, & quasi pro intentione vel occasione castigationis disciplinam facientes peccatum non incurant, & disciplinam sustinentes in corpore suo debiliores non fiant. Quod si quis hoc mandatum nostrum transgresuerit, nobis ab Episcopis auctoriter, quatenus taliter castigetur ne deinceps mandatum nostrum quemquam delebet contempnere. Et si dominus vel magister, qui liber est, aut advocatus talium hominum eos vel Comiti vel Misso nostro ad disciplinam sustinendam contradixerit, vel Misso nostro iussus præsentare noluerit, prædictum bannum sexaginta solidorum componat, sicut in prædicto capitulari habetur.

## XV I.

Vt si aliquis homo à proximis Kalendis Iulij de hac nova nostra moneta mixtum vel minus quam debeat pensantem denarium invenierit, confingat eum qui ipsum denarium ad negotiandum protulit, & ipse dicat à quo eum accepit; & sic de manu ad manum veniat, usque dum ad falsitatis auctorem perveniat. Et inventus mixtum vel minus quam debeat pensantem denarij monetator in illa terra in qua judicia secundum legem Romanam terminantur, secundum ipsam legem judicetur. Et in illa terra in qua judicia secundum legem Romanam non judicantur, monetanus, sicut supradiximus, falsi denarij manum dexteram perdat, sicut in quarto libro capitulorum continetur, capite trigesimo tertio. Et qui hoc consenserit, si liber est, sexaginta solidos componat. Si servus vel colonus, nudus cum virgis vapulet.

## XV II.

Vt diligenter Comites & ministri reipublica per suos comitatus ac ministeria provideant ne in aliquo loco occulta vel fraudulenta moneta fieri possit. Et si inventus ac comprobatus quilibet fuerit fraudulenta monetam percutiens, sicut constitutum est de falso monetario, ex prefato capitulari prædecessorum nostrorum, manus ei amputetur. Et qui hoc consenserit, si liber est, sexaginta solidos componat.

Si servus vel colonus, nudus cum virgis  
vapulet.

## XVIII.

Et si falsus monetarius, aut de illis locis in quibus monetam fieri jussimus, aut occulte monetam percutens, aut denarium falsum de nova moneta ad negotianum proferens, ut constringi & puniri non possit, sicut est constitutum, in fiscum nostrum vel in quamcunque immunitatem aut alicuius potenti potestatem vel proprietatem configerit, si in nostrum conseruent fiscum, requiratur a ministro nostro. Et si ille eum defendentur aut occulterit, nuntietur nobis, quatenus ita in eos secundum capitulare regium vindicetur ne ullus alius unquam falsitatem nostra auctoritate vel potestate consentire aut defendere audeat. Si autem in immunitatem vel potestatem aut proprietatem alicuius potenti configerit, secundum quod in tertio libro capitularis xxvi. capitulo continetur de eo qui furtum au homicidium vel quodlibet crimen foris committens infra immunitatem fugerit, inde fiat, id est, mandet Comes vel publicae rei minister Episcopo vel Abbatii vel illi qui cunque locum Episcopi vel Abbatis vel Abbatissae tenuerit vel potenter hominis in cuius potestatem vel proprietatem configerit, ut reddat ei reum. Si ille contradixerit, & eum reddere noluerit, in prima contradictione solidis quindecim culpabilis judicetur. Si ad secundam inquisitionem eum reddere noluerit, trigesima solidis culpabilis judicetur. Si nec ad tertiam inquisitionem consentire voluerit, quicquid reus damni fecit, totum ille qui eum infra immunitatem retinet, nec reddere vult, solvere cogatur, & ipse Comes veniens licentiam habeat ipsum hominem infra immunitatem querendi, ubiquecumque eum invenire potuerit. Si autem in prima inquisitione Comiti responsum fuerit quod reus infra immunitatem quidem fuisset, sed fuga lapsus sit, juret quod ipse eum ad iustitiam eiuslibet disfaciendam fugere non fecisset, & sit ei in hoc satisfactum. Si vero intranti in ipsam immunitatem vel in cuiuslibet hominis potestatem vel proprietatem Comiti collecta manu quilibet resistere tentaverit, Comes hoc ad Regem vel Principem deferat, & ibi judicetur. Et sicut ille qui in immunitate damnum fecit, sexcentis solidi componi debet, ita qui Comiti collecta manu

Tom. II.

resistere presumperit, sexcentis solidis culpabilis judicetur.

## XIX.

Vt melius & commodius hanc providentia de bonis denariis non reiciendis & de monetis falsis denariis custodiri possit, volumus ut unusquisque Comes de comitatu suo omnia mercata in breviari faciat, & sciat nobis dicere quae mercata tempore avi nostri fuerunt, & qua tempore Domini & genitoris nostri esse cooperunt, vel quae illius auctoritate constituta fuerunt, vel quae sine auctoritate illius facta fuerunt, vel quae tempore nostro convenire coeparent, vel quae in antiquis locis permanent, & si mutata sunt, cujus auctoritate mutata fuerunt. Et ipsum brevem unusquisque Comes ad proximum placitum nostrum nobis adportet, ut decernere possimus quatenus necessaria & utilia, & quae per auctoritatem sunt, maneant, quae vero superflua, interdicantur, vel locis suis restituantur. Et mercata die dominico in nullo loco habeantur, sicut in primo libro Capitulorum capitulo xxxvi. habe-

I. 119.

Regio lib.  
2. c. 416.

Vt Comes & reipublicae ministri ac certi fideles nostri provideant quatenus justus modius aequusque sextanus secundum sacram scripturam & Capitula praedecessorum nostrorum in civitatibus & in vicis & in villis ad vendendum & emendum fiat, & mensuram secundum antiquam consuetudinem de palatio nostro accipiunt, & non pro hac occasione a mansuariis vel ab his qui censum debent major modius, nisi sicut consuetudo fuit, exigatur. Et ipsi homines qui per villas de denariis providentiam jurati habebunt, ipsi etiam de mensura, ne adulteretur, provideant, sicut in libro tertio Capitulorum capitulo xc. continetur. Et si quis reputatus fuerit mensuram adulterasse, & cum majori modio vel sextario annonam vel vinum accepisse, & cum minori mensura venundare, si liber homo est, aut secundum suam legem se inde sacramento idoneum reddat, aut si hoc fecisse vel fieri jussisse aut confessisse comprobatus fuerit, hoc unde mensuram adulteravit, id est, vinum & annona, a ministris reipublicae tollatur ab eo; insuper & bannum nostrum, id est, solidos sexaginta, componat. Si autem colonus vel servus inde reputatus fuerit, aut judicio Dei se inde examinet, aut si inde convictus fuerit,

M ij

hoc, ut suprā diximus, unde mensuram adulteravit perdat, insuper & virginis nudo corpore vapulet. Et siue liber siue colonus vel servus de hoc convictus fuerit, post legalem emendationem episcopale judicium suscipiat, quia contra tale interdi-

*Psal. 14. Etum Domini fecit dicentis: Qui peccani suam non dedit ad usuram.* unde regnum

Dei sibi clausit, & infernum sibi aperuit.

*Quod peccatum inter illa criminalia peccata computatur de quibus dicit Apostolus quod qui ea fecerit, cum hujusmodi*

*nec cibum sumere Christiano licet, & in-*

*Cos. Nic. de facili Nicenī canones Clericos gradus perdere jubent. Et de tali causa unde seculares homines vitam perdunt, inde Cle-*

*rci ecclesiasticum gradum amittunt. Mi-*

*nistri autem reipublice se caute custo-*

*diant, ne pro hac occasione ducti cupiditate per aliquid malum ingenium à liberis*

*hominibus vel colonis seu servis sua injus-*

*tè tollant: quia si inde ad nos clamor ve-*

*nient, & inde convicti fuerint, sic injus-*

*tiam istam exsolvent sicut illi qui in suo mi-*

*nisterio tortum faciant. In illis autem re-*

*gionibus in quibus secundum legem Ro-*

*manam judicantur judicia, juxta ipsam le-*

*gem committentes talia judicentur: quia*

*super illam legem vel contra ipsam legem*

*nec antecessores nostri quodcumque capitu-*

*lulum statuerunt, nec nos aliquid confi-*

*tuimus. Similiter per civitates & vicos at-*

*que per mercata ministri reipublicæ pro-*

*videant ne illi qui panem coquunt aut car-*

*nem per deneratas aut vinum per sextaria*

*vendunt, adulterare & minuere possint.*

*Sed quantos mensurabiles panes in una-*

*quamque civitate de justo modo Episcopi*

*vel Abbatis seu Comitis ministeriales à pi-*

*storibus suis recipiunt, tantos mensurabili-*

*les panes de aequo modo à pistoribus qui*

*panem vendunt fieri faciant. quos si inventi*

*fuerint adulterare vel minorare, ut*

*suprā diximus, secundum suum modum*

*culpabiles judicentur. Homines etiam qui*

*providentiam habere debebunt ne manca-*

*mensuræ fiant, si de perjurio quod jurave-*

*rint quia hoc consentire non debuissent*

*revicti fuerint, secundum legem punian-*

*tur, sicut in fine capituli decimi ex libro*

*tertio Capitulorum habetur, & postea ab*

*Episcopo publicam penitentiam de per-*

*jurio accipient.*

#### X X I.

*Vt quia per tres jam annos bannum pro*

*rejectione bonorum denariorum perdonau-*

*mus, volumus ut modò, secundum dif-*

cretionem quam Missis nostris commen-

*davimus, revvadiatum persolvatur, & ubi*

*revvadiatum non est, revvadietur & sol-*

*vatur: quatenus & ex hoc & ex disciplina*

*constituta ita confridi, deinceps ceffent*

*denarios bonos reicere. Et quoniam audi-*

*vimus, occasione accepta pro revvadiato*

*banno, quosdam plus à pauperibus acce-*

*psisse quam bannus levet, hoc à Missis no-*

*stris diligenter requiri volumus. Et qui-*

*cunque plus ab eis accepserunt quam iusti-*

*fus, cogant illis restituere, & illos abs-*

*que ulla excusatione ad prefentiam no-*

*stram Missi nostri adducant; quatenus per*

*nostram harmiscaram ita castigentur ne*

*ulterius tali concludo eos delectet oppri-*

*mere pauperes.*

#### X X II.

*Vt à colonis qui jam pro rejectione bo-*

*norum denariorum flagellati vel flagellan-*

*ti sunt nulla alia exactio requiratur; & si*

*ab aliquo eorum aliquid inde acceptum*

*fuit, à Missis nostris cogatur refutui. Et*

*qui beneficia vel alodes in duobus vel tri-*

*bus aut quatuor comitatibus habent, &*

*non habent in unoquoque comitatu unde*

*plenum bannum valeant solvere, vel qui*

*in uno tantum comitatu alodem vel bene-*

*ficia habent, & non tantum ibi habent*

*unde plenum bannum valeant solvere,*

*Missis nostris hoc notum faciant, & hoc*

*ab eisdem Missis nostris diligenter inbre-*

*vietur, & nobis renuntietur, ut nostra*

*discretione decernamus qualiter & casti-*

*gatio ex compositione fiat, & homines ul-*

*tra mensuram & indebitè non graventur:*

*quia, sicut sancta Scriptura dicit, non in-*

*de requirimus datum, sed fructum, id est,*

*non inde requirimus inhoneftum lucrum,*

*sed regni ex castigatione profectum. Tur-*

*pe vel inhoneftum est lucrum, ut Augu-*

*stinus exponit, per varias circumventiones*

*& occasiones lucrandi causa inhoneftè res*

*quaſlibet congregari. Et non solùm in pau-*

*perioribus, sed etiam in ditoribus, conſi-*

*derare volumus discretionem quam deceſ-*

*foris nostri Reges in quarto libro Capitu-*

*lorum posuerunt, capitulo L V I I . decer-*

*entes: Vt de debito, inquiunt, quod ad*

*opus nostrum fuerit revvadiatum talis con-*

*sideratio fiat ut is qui ignoranter peccavit,*

*non totum secundum legem compone-*

*cogatur, sed juxta quod possibile visum*

*fuerit. is verò qui tantum mala voluntate*

*peccavit, totam legis compositionem co-*

*gatur exſolvere.*

## XXIII.

Vt nullus deinceps in regno nostro mixturum auri vel argenti ad vendendum facere vel consentire præsumat. & nullus à Missa sancti Remigii, id est, à proximis Kalendis Octobris, aurum vel argentum ad vendendum vel emendum nisi purificatum proferat. Et si quis post præfatas Kalendas inventus fuerit aurum vel argentum vel quodcumque fabricinum ex auro vel argento mixtum ad vendendum vel emendum portare, à ministris reipublicæ ipsum quod portaverit ab eo tollatur, & ipse per fidejussiones, si res & mancipia in illo comitatu non haberet, ad presentiam nostram cum ipso auro vel argento adducatur, ut nos inde commendemus qualiter culpabilis judicetur. Si verò res & mancipia vel mobile, per quæ distingi legaliter possit, in ipso comitatu habuerit, secundum legem ad nostram presentiam venire jubeatur. Et si quisquam inventus fuerit suum aurum vel argentum vel quodcumque fabricinum ex auro vel argento portare ad fabrum ut purgetur, prodeant reipublicæ ministri ne hac occasione ab eo quod suum fuerit tollant. Quod si fecerint, & ad nos inde reclamatio venerit, sicut ille qui tortum in suo comitatu vel ministerio fecerit, in nostra vel fidelium nostrorum præsentia culpabilis judicabitur. Faber verò qui post præfatas Kalendas comprobatus fuerit aurum vel argentum ad vendendum vel emendum adulterasse vel misculasse in illis regionibus in quibus judicia secundum legem Romanam terminantur, juxta illam legem puniatur; in aliis autem regionibus regni nostri, secundum capitulare regium, sicut fallam monetam percutiens, manum perdat. Et liber homo qui hoc consenserit, sicut in præfato continetur capitulo, bannum nostrum, id est solidos sexaginta, componat; colonus vel servus, nudus cum virginis flagelletur. Si verò Iudeus fuerit, ipsum quod mixtum protulerit perdat, & bannum nostrum, sicut tempore præcessorum nostrorum consuetudo fuit, componat.

## XXIV.

Vt in omni regno nostro non amplius vendatur libra auri purissimè cocti nisi duodecim libris argenti de novis & meris denariis. Illud vero aurum quod coctum quidem fuerit, sed non tantum ut ex eo deauratura fieri possit, libra una de auro vendatur decem libris argenti de novis &

meris denariis. Et omnimodis provideant tam Comites quam ceteri omnes ministri reipublicæ ne aliqua adjectione vel fraude per occasionem aliquid amplius vendatur, sicut de suis honoribus volunt gaudere. Et quicunque hanc commendationem nostram aliquo ingenio infirmare vel fraudare seu alter immutare inventus fuerit, si liber homo fuerit, bannum nostrum, id est, sexaginta solidos componat; colonus seu servus, nudus cum virginis flagelletur.

## XXV.

Et quoniam in præfatis capitulois continetur in libro tertio capitulo LXXXV. ut nullus sine permisso regio bruniam vel arma extraneo dare aut vendere præsumat, & in eodem libro capitulo vi. designata sunt loca regni usque ad quæ negotiatores brunias & arma ad venundandum portare & vendere debeant, quod si inventi fuerint ultra portantes aut venundantes, ut omnis substantia eorum auferantur ab eis, dimidia quidem pars partibus palatij, alia verò medietas inter Missos regios & inventorum dividatur; quia peccatis nostris exigentibus in nostra vicinia Nortmanni deveniunt, & eis à nostris bruniae & arma atque caballi aut pro redemptione dantur, aut pro pretij cupiditate venundantur, cum pro redemptione unius hominis ita donantur, vel pro paucō pretio venundantur, per hoc auxilium illis contra nos præstatum & regni nostri maximum fit detrimentum, & multæ Ecclesie Dei detruuntur, & quamplurimi Christiani depraedantur, & facultates ecclesiasticae & regni exhausturunt, proptereum unâ cum consenuit atque consilio nostrorum fidelium constitutimus ut quicunque post proximas Kalendas Iulij hujus duodecimæ inductionis Nortmanni quocunque ingenio, vel pro redemptione, vel pro aliquo pretio, bruniam vel quæcumque arma aut caballum donaverit, sicut proditor patriæ & expositor Christianitatis ad perditionem gentilitati sine ulla retractatione vel redemptione de vita componat. Quæ omnia omnibus citissimè à Missis nostris & Comitibus nota fiant, ne de ignorantia se excusare valeant.

## XXVI.

Vt pagenses Franci, qui caballos habent vel habere possunt, cum suis Comitibus in hostem pergent, & nullus per violentiam, vel per aliquod malum ingenium, aut per quamcumque indebitam oppressionem talibus Francis suas res aut caballos

M iiij

tollat, ut hostem facere & debitos paraverdos secundum antiquam consuetudinem nobis exsolvere non possint, neque Comes neque aliquis minister reipublicæ. Quod si fecisse aliquis eorum comprobatus fuerit, sic hoc cogatur componere sicut de illis est constitutum in Capitularibus regiis qui tortum in suo comitatu vel ministerio faciunt.

## XXVII.

Vt juxta regium Capitulare quod Dominus & genitor noster anno xvi. regni sui capitulo viii. constituit, Comites vel Missi nostri diligenter inquirant quanti homines liberi in singulis comitatibus manant qui per se possint expeditionem facere, vel quanti de his quibus unus alium adjuver, quanti etiam de his qui à duobus tertius adjuvetur vel preparetur, necnon de his qui à tribus quartus adjuvetur & preparetur, five de his qui à quatuor quintus adjuvetur & preparetur ut expeditiōnē exercitalem facere possint, & corum summam ad nostram notiam deferant; ut illi qui in hostem peregre non potuerint, juxta antiquam & aliarum gentium consuetudinem ad civitates novas & pontes ac transitus paludium operentur, & in civitate atque in marcha vvaetas faciant, ad defensionem patriæ omnes sine ulla excusatione veniant. Et qui de talibus hostem dimiserint, heribannum juxta discretionem quæ in progenitorum nostrorum tertio libro Capitularum capitulo xiv. continet per solvant. Et qui ad defensionem patriæ non occurrerint, secundum antiquam consuetudinem & Capitularum constitutionem judicentur.

## XXVIII.

Vt illi Franci qui censum de suo capite vel defisiis rebus ad partem regiam debent, sine nostra licentia ad casam Dei vel ad alterius cuiuscunq; servitum se non tradant, ut res publica quod de illis habere debet non perdat. Quod si aut seipso aures suas ad casam Dei aut ad alterius cuiuscunq; servitum sine licentia nostra tradere voluerint, sicut in Capitulari avi nostri continetur de his qui pro furto se in servitum tradere cupiunt, Comites vel Vicarij hoc eis non consentiant, sed ex banno nostro prohibeant. Quod si contra bannum nostrum fecerint, ipsi qui eos reperient bannum nostrum, id est, solidos sexaginta componant. Et si ipsos in servitio suo habere voluerint, vel illorum res, de quibus census ad partem regiam exiebat,

tenere voluerint, censum quem ipsi Franci debebant, vel qui de illorum rebus exire solebat, ad nostram regiam partem componant, sicut in præfato Capitularum libro tertio capitulo xv. & lxxxvi. & in libro iv. cap. xxxvi. habetur. Et quia, sicut in sacris ecclesiasticis regulis invenitur, prior obseratio durior, posterior autem exigente causa inclinatio fuit, post hæc præfata capitula decefforum & progenitorum nostrorum, hujusmodi, sicut prædiximus, Franci hominibus res suas ad casam Dei vel alias tradere ac vendere eisque ad divinum servitum converti, si vellent, non prohibuerunt, sicut in capitulo libri primi capitulo cxxxii. & cxxxiv. & in libro ii. capitulo xxxi. & in libro iv. cap. xix. continetur. Si quis de talibus Francis de suis rebus tradere vel vendere voluerit, non prohibemus, tantum ut jus regium, quod sibi debetur, sine ratione non perdat: quia injustas consuetudines noviter institutas imponere cuique non volumus, quas in quarto libro eorundem Capitularum prohibitas cap. xlvi. legimus. De illis autem qui secundum legem Romanam vivunt nihil aliud nisi quod in eisdem continetur legibus definitus.

## XXIX.

Vt illi coloni, tam fiscales quam & ecclasiastici, qui, sicut in polypticis continentur, & ipsi non denegant, carropera & manopera ex antiqua consuetudine debent, & margilam & alia queque caricare, quæ illis non placent, renuant, quoniam adhuc in illis antiquis temporibus forte margila non trahebatur, quæ in multis locis tempore avi ac Domini & patris nostri trahi cœperit, & de manopera in scuria battere nolunt, & tamen non denegant quia manoperam debent; quicquid eis caricare precipitur de opera carroperæ, quando illam facere debent, sine ulla differentia caricent, & quicquid eis de opera manopera, quando illam facere debent, præcipitur, similiter sine ulla differentia faciant.

## XXX.

Vt quoniam in quibusdam locis coloni, tam fiscales quam & de casis Dei, suas hereditates, id est, mansa quæ tenent, non solum suis paribus, sed & Clericis canonici ac villanis Prebbyteris & aliis qui busunque hominibus vendunt, & tantummodo sellam retinent, & hac occasione sic destruetæ fiant villaæ ut non solum

census debitus inde non possit exigi, sed etiam qua terra de singulis manis fuerunt, jam non possint agnosciri; constitutus ut praecipiat a nostris ministerialibus & a ministris ecclesiasticis ut hoc nullo modo de cetero fiat, ne villa destruatur atque confusa fiant. & quicquid de singulis mansis sine licentia dominorum vel magistrorum per quocunque venditum est, recipiat, & singulis mansis de quibus terra vendite sunt, & de quibus census decidit propter eorum impossibilitatem qui mania defervire non possunt, restituatur; & juxta qualitatem vel quantitatem terra vel vinearum ad singulos mansos pertinentium, postquam restaurati fuerint, ab unoquoque manso census ad partem dominicam exigatur.

## XXXI.

De adventitis istius terra, quae a Normannis devastata est, constitutum ut sit in Capitulari avi nostri Karoli Imperatoris habetur, unusquisque Comes de suo comitatu & nomina eorum, & qui sunt eorum seniori, describi faciant, & ipsos advenas, qui a tempore avi nostri atque a tempore Domini & patris nostri in illorum comitatibus commandant, secundum consuetudinem quae illorum temporibus fuit, eos ibi manere permittant. Illos vero qui propter persecutionem Normannorum nuper de istis partibus in illas partes configurant, Episcoporum Missi cum Missis reipublicae taliter de illis partibus in istas partes venire faciant ut non opprimantur, nec aliquis census vel quocunque exactio ab illis exigatur; & habent licentiam quae in illis partibus suo servitio promeruerunt, vel quocunque justo ingenio adepti sunt, commendandi. Et illi qui nullum lucrum de opere in vicinis sperant, Kalendis Septembribus unusquisque ad locum suum jam perventus sit. Et qui lucrum de vinea in illis partibus promeruerit, octo dies post Missam sancti Remigii in istas partes jam sit perventus, & sibi in ista partibus in futurum provideat, & suo seniori serviat. Et si necesse illi fuerit, ad Missam sancti Martini ad suum conductum in illas partes redeat, & ulque ad Kalendas Aprilis ibidem immorandi licentiam habeat; indeque ad terram suae nativitatis & ad senioratum suum unusquisque redeat, & usque ad medium Maium propter seminationem ibidem maneat; indeque, si illi necessitas fuerit, ad suum conductum redeat, & inde ad mes-

siones in terram suam unusquisque redeat, & de cetero ibidem permaneat. Si autem de istis partibus in illis partibus femina maritum aut maritus feminam accepit, illud conjugium, quia non est legale neque legitimum, sicut Leo in suis decretis & sanctus Gregorius in suis epistolis monstrant, dissolvatur; & cuius mancipium vir vel femina fuerit, suum quaque potestas recipiat, & sua potestatis homini conjungere faciat. Et si infantes inde nati sunt, secundum legem & antiquam consuetudinem nostram infantes matrem sequantur. In illis autem regionibus quae legem Romanam sequuntur, secundum eandem legem fieri exinde decrevimus.

## XXXII.

Vt conlimitanei & vicini Comites in una die, si fieri potest, mallum non teneant, maximè post octavas Paschæ, propter Francos homines & advacatos, qui ad utraque malla non possunt occurrere. Sed mittant sibi invicem Missos. Et si unus die Lunis mallum habuerit, alter die Iovis aut die Lunis sequentis hebdomadae mallum habeat. Et ne grave ei sit qui suum mallum interjecit, qui uno anno primus tenuerit mallum, sequenti anno confessiat alteri primum tenere. Et si sacramenta legalia in primo die Lunis post Pascha juranda devenerint, aut in aliis feriis, quando mallum tenere debuerat, mittat unusquisque Comes Missum suum, qui ipsa sacramenta auscultet, ne ipsi homines jeclivi inveniantur. Et ipse sic mallum suum teneat ut barigildi ejus & advacati qui in aliis comitatibus rationes habent, ad suum mallum occurrere possint.

## XXXIII.

Et quia sacramenta post quadraginta noctes legaliter juranda accipiuntur, & in praefatis praedecessorum & progenitorum nostrorum capitulis inventur ut postquam Comes & pagenses de qualibet expeditione hostili reversi fuerint, ex eo die super quadraginta noctes sit bannus ressus, (quod in lingua Theodifica scastlegi, id est armorum depositio, vocatur) multi inde contendunt, & se inter se jecliscunt. Alij enim suum sacramentum quadragesimo die, in quo illud accipiunt, jurare volunt, & in tantum contendunt ut etiam infra quadragesimam sacri jejunij quadragesimus dies advenerit, suum sacramentum se jurare debere contendant, & contra causatores suos, si ad hoc audiendum non venerint, jecliscant. Numerant enim

dies, & non numerant cum eis noctes; sicut numerantur dies, & non numerantur noctes, à nativitate Domini usque ad purificationem sancte Mariae, & à resurrectione Domini usque ad ascensionem Domini. Quadragesimo enim die & purificatione sancte Marie à nativitate Domini, & quadragesimo die à resurrectione Domini, que est in dominica die, ascensio Domini celebratur, quae evenit quinta feria, id est, Iovis die. Et de diebus sine memoria noctium Dominus per Ionam Prophetam dicit: *Aduic quadragesima dies, & Nivne subverteretur.* Et quadragesima dies simul cum noctibus in jejuno Heliæ Prophætæ, & Moysi, quando legem secundò accepit, & ipsius Domini jejuno computantur. In quibus sex septimanæ, id est, quadragesima & duo dies sunt usque ad resurrectionem Domini, quæ sit in dominica die, sicut & initium quadragesimæ. Et hæc non sine Dei mysterio sunt, per quem conditores legum iusta decernunt. Vnde, sicut in quibusdam regionibus rectius tenere comperimus, una cum consensu & fidelium nostrorum consilio constitutimus ut ab ipso die quo sacramentum accipitur, post quadragesima dies & quadragesima noctes, id est, quadragesimo secundo die de sex septimanis, ipsa feria qua illud sacramentum accipit, sicut Pascha ipsa feria fit qua initium quadragesimæ accipitur, qui sacramentum legaliter accipit, legaliter in locis constitutis juret, sicut in Capitulorum libris decefforum & progenitorum nostrorum continetur. Et amodo nulla dissensio vel retrahatio in regno nostro à quolibet ex hoc fiat. Quod mandatum nostrum si quis contemneret præsumperit, bannum nostrum, id est, sexaginta solidos componat. Et si ipsa dies intra quadragesimam sacra jejuna evenerit, nemo illud sacramentum quod accipit in quadragesimam jurare prælumat: quia ex hoc jam etiam manifestam Dei vindictam vidimus & audivimus. Et si quis præsumperit, similiter bannum nostrum componat, & inde penitentiam episcopali judicio faciat. Ipsam autem quadragesimam à quarta feria, id est, à capite jejuni, cum ipsa quarta feria, qua publicè penitentiam penitentiam accipiunt, observari usque ad sanctam resurrectionem secundum consuetudinem antiquam præcipimus. Sed expectet qui sacramentum ante quadragesimam servatum accipit, si quadragesima dies & quadragesima noctes ante illam quadragesimam non

Regino lib.  
2. c. 318.

habuit, sine ulla legali compositione vel ieiacione usque ad diem Lunis post octavas Paschæ; & tunc quod legaliter accipit, legaliter & perficiat.

XXXIV.

Notum fieri volumus omnibus Dei & nostris fidelibus quoniam quidam Comites nostri nos confulserunt de illis Francis hominibus qui censem regium de suo capite, sed & de suis refellis debebant, qui tempore famis, necessitate cogente, seipso ad servitium vendiderunt. Vnde cum Episcopis & ceteris Dei ac nostris fidelibus tractavimus quid nobis esset agendum; & quod cum eis inde invenimus ac constitutimus, praesenti edito decrevimus. Id est, quia non in lege Salica ex hoc expressius quiddam invenimus, continetur tamen in tertio Capitulorum libro capitulo xix. de homine libero qui se loco vvadij tradidit in alterius potestatem, & ibi constitutus damnum aliquod cuilibet fecerit, ut is qui eum loco vvadij suscepit, aut damnum solvat, aut hominem in mallo productum amittat, perdens simul debitum propter quod eum pro vvadio suscepit, & qui damnum fecit, dimissus juxta qualitatem rei cogatur emendare. Si vero liberam feminam habuerit, & usque dum in pignore extit filios habuerint, liberi permaneant. Et in lege digito Dei scripta legimus ut si attenuatus fuerit frater noster & se in servitium tradiderit, sex annis serviet illi qui eum emit, & septimo liber egredietur gratias. Quæ sacra historia & obseruantes moraliter edificat, & altiori sensu intelligentes illuminat. In lege etiam quam prædecessores nostri & nominatissimi Imperatores constituerunt de his qui filios suos, fame aut alia aliqua necessitate cogente, vendunt, plura habentur capitula quæ omnia hic non necesse duximus ponere. Tamen illud capitulum quod cum sanctis ecclesiasticis regulis ex maxima parte concordari invenimus, hic ponere necesarium duximus, in quo dicit: *Vt quicunque ingenui filios suos (quod & de ipsis liberis hominibus, qui se vendunt, observari volumus) qualibet necessitate seu famis tempore vendiderint ipsa necessitate compulsi, emperor si quinque solidis emit, sex recipiat: si decem, duodecim solidos similiter recipiat: aut si amplius, secundum suprascriptam rationem augmentum pretij confeatur. Sanctus etiam Gregorius de his qui liberi à pagani capti fuerint, si aliquis eos redemerit, ipsi qui redempti sunt procurent*

current ut tantum pretium redemptori suodent sicut ab eo redempti fuerunt, & in sua libertate permaneant. Si autem Ecclesia eos redemit, gratis sine aliqua compositione liberi fiant. Quod & nos per regnum nostrum unā cum consensu & fideliū nostrorum consilio observari regia auctoritate præcipimus. Et si quis dixerit quia non vult aut tempore famis aut pro alia necessitate pretium suum dare pro liberō homine si semper illum servum haberenon debet, adtendat quid ei Dominus per Apostolum suum dicat: *Qui habuerit, inquiens, substantiam huius mundi, & viderit fratrem suum necesse habere, & clausuram viscera sua ab eo, non manet caritas Dei in eo.* Et qui non habet hanc caritatem, etiam si ad martyrium & ad ignem se tradiderit, sine ista caritate remissionem peccatorum suorum habere non poterit, & nullatenus in regnum Dei intrabit, quia pro Deo suos denarios vel suam annonam, qua à Deo accepit, dare non indurat, cùm Deus seipsum & sanguinem suum pro eo in cruce clavis & lancea transfixus fudit. Et quia hominum ingenia, qui Deum non timent, diabolo suadente, multa mala excogitant, potest fieri ut qui tales homines liberos necessitate, ut diximus, cogente in servos suscipiant, in alteras partes illos dispendant & vendant. Propterea unā cum consensu & fideliū nostrorum consilio constituimus, quod in antiquis legibus decretum invenimus, ut si huicmodi personas aliqui aut ad extraneas gentes aut ad transmarina loca transferre aut vendundare presumperint, ipse qui hoc contra statuta præsumperit, constitutionem regij banni componat. Et si talis homo antea liber, usque dum in tali servitio fuerit, de libera femina filios habuerit, ipsi filii liberi permaneant, sicut in prefato xxix. capitulo 111. libri Capitulorum prædecessorum ac progenitorum nostrorum habetur de eo qui ē loco vvadij in alterius potestate commiserit. salva constitutio ne legis Romanæ in eis qui secundum illam vivunt.

## XXXV.

Et sciant Comites nostri quia per singulos comitatus Missos nostros dirigemus, qui specialiter de his qua nunc constitutimus inquirant, qualiter in his nostram iussionem adimplere certaverint, sicut in secundo libro capitulorum prædecessorum ac progenitorum nostrorum continetur capitulo xvi 11. Et quicunque negle-

Tom. II.

gens inde inventus fuerit, præcipiemus ut ante nostram præsentiam venire jubeatur, & rationem reddat utrum hoc quod iussimus facere noluerit aut non potuerit; aut si aliqua re præpediente id facere non potuit, cur nobis ipsum impossibilitatem ad tempus non adnuntiavit. Quia si ipse hoc non voluit, aut sua negligenter cauila non potuit, nos talem invenire volumus qui hoc quod jubemus servare velit aut possit.

## XXXVI.

Volumus ut sicut in secundo libro Capitulorum prædecessorum ac progenitorum nostrorum continetur capitulo xxi 1v. hac capitula, quæ nunc & alio tempore consultu fideliū nostrorum à nobis constituta sunt, à Cancellario nostro Archiepiscopi, & Comites corum de propriis civitatibus, modò aut per se aut per suos Missos accipient; & unusquisque per suam doceſim ceteris Episcopis, Abbatibus, Comitibus, aut aliis fidelibus nostris ea transcribi faciant, & in suis comitatibus coram omnibus relegant, ut cunctis nostra ordinatio & voluntas nota fieri possit. Cancellerius autem noster nomina Episcoporum & Comitum qui ea accipere curaverint notet, & ea ad nostram notitiam perferat, ut nullus hoc prætermittere præsumat.

## XXXVII.

Et quoniam fideles nostri in ipsis quae in Sequana fiunt & in aliis operibus laborant, & heribergum nostrum, quod præteſto anno hic fieri iussimus, homines de illa parte Sequanæ in ipsis partes venient, & de ipsis partibus in illas partes euntes leſtruxerunt per occasionem quia in illo contra debitam reverentiam manere ceperunt, & nunc istud heribergum non sine labore & dispendio fideliū nostrorum fieri fecimus, volumus & expreſſe mandamus ut sicut nec in nostro palatio, ta nec in isto heribergo aliquis alius sine nostra iuſſione manere prælumat, nec illud aliquis deſtruat. Quod si aliquis præſumperit, & à custodibus, quos ad hoc depu-tatos habemus, nobis notum factum fuerit, non sine debita vindicta præſumptio evadet. Quia semper parati esse volumus, & vos paratos esse jubemus, ut in ipsis partibus, & in aliis quibuscumque nobis necesse fuerit, & contra paganos & contra alios quoscumque, sicut confuetudo fuit, & vestri antecessores nostris antecessoribus auxilium præbuerunt, & vos nobis debitus & necessarium adjutorium exhibuſtis, ita nunc & semper communiter

N

ad Dei voluntatem & sanctæ Ecclesiæ atque istius Christianitatis defensionem & nostram communem salutem & pacem obtainendam & defendendam in omnibus, quantum Deus auxilium praefare dignatus fuerit, parati semper & in omnibus simus.

ET POST HÆC OMNIA LECTA.  
C A P . I.

Monemus fidelitatem vestram ut hæc firmiter observetis, & semper sicut Dei & nostri dilecti fideles parati sitis ut si necessitas nobis evenierit aut contra paganos aut contra quoscunque alios, ut statim quando unicuique nuntius venerit, aut nobis necesse audierit, sine ulla dilatione hostiliter preparatus in Dei & nostrum servitium ad communem & utilitatem posse movere & certissimè nobis occurrere. Et volumus & expressè mandamus ut quicunque istis temporibus castella & firmitates & hætas sine nostro verbo fecerint, Kalendis Augusti omnes tales firmitates disfaictas habent: quia vicini & circumstantes exinde multas deprædationes & impedimenta sustinent. Et qui eas disfacere non voluerint, Comites in quorum comitatibus factæ sunt, eas disfacent. Et

si aliquis eis contradixerit, ad tempus nobis notum facere current. Qui si hoc, sicut mandamus, adimplere neglexerint, sciant quia, sicut in istis capitulis & capituloibus prædecessorum nostrorum continetur, tales Comites queremus & in illorum comitatibus constituemus qui nostrum mandatum facere velint & possint.

I I.

Et qui interpellatus est ut hic aliquam cauam debet definire, hic stet usquequo diffinita sit ratio de qua interpellatus habetur. Et qui pro sua cauâ hic demorandi habet necessitatem, & ipse nobiscum stare poterit quantum ei necessitas fuerit. Sed & vasallus nostri cum tantis hominibus sicut eis commoditas fuerit, nobiscum remaneant, & nobiscum pergent.

I I I.

Vos autem alij, sed & ipsi qui nobiscum remanebunt, in eundo, & in patria remanendo, & ad nos redeundo, pacem à nobis communiter confirmatam servantes, ite cum Dei & nostra gratia. Et Deus nobis concedat ut citò & per plures annos sani & lati nos invicem videamus, & de Dei super nos misericordia & gratia gaudeamus.

## TITVLVS XXXVII.

Apud Tusiacum.

HÆC QVÆ SEQVNNTVR CAPITVL A MISIT  
Domnus Rex Karolus in Burgundiam, exequenda per Gauslenum & Fulconem & per VValtarium & Lantuinum, de Tusiaco, anno incarnationis dominice DCCCCLXV.

**I**N nomine sanctæ & individuæ Trinitatis. Karolus gratia Dei Rex omnibus Episcopis, Abbatibus, Abbatissis, Comitibus, & vassis nostris, seu cunctis Dei & nostris fidelibus in regno Burgundiaæ consistentibus salutem. Volumus & expressè præcipimus ut in his quæ subiecta sunt exequendas, & in aliis quæ ad Dei voluntatem & sanctæ Ecclesiæ statum atque ad nostram fidelitatem & ad nostrum honorem ac ad regni soliditatem necnon ad commune fidelium nostrorum salvamentum pertinent, unusquisque secundum quod suo ordini & suæ personæ competit, istis Missis nostris obedientes & adjutores in omnibus existatis.

C A P . I.  
**V**T sicut nostri infideles & communes contrarij nostri se invicem con-

firmaverunt ad nostram contrarietatem ut nullus de his quæ consideraverint suum parem discooperiat vel prodat, neque ad